


古聖賢像傳畧 六

漢書門			
二	二	二	二
六	六	六	六
九	九	九	九
類	號	函	架
一	一	一	一
六	四	六	六
冊	架	函	號

內閣文庫			
二	二	二	二
九	九	九	九
冊	冊	冊	冊
五	一	六	九
架	冊	號	類

內閣文庫	
番號	漢 2269
冊數	16 (6)
函號	290 47




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak






魏 文 貞 像

古聖賢像傳畧卷六



長洲顧 元相舟輯



古聖賢像傳畧

卷六

公姓魏諱徵字元成魏州曲城人太宗卽位拜諫議大夫凡上二百餘奏無不剴切當帝心後以秘書監參預朝政及歿帝嘆曰以銅爲鑑可正衣冠以古爲鑑可知興替以人爲鑑可知得失徵歿朕亡一鑑矣登凌烟閣觀畫像賦詩痛悼謚文貞

房文昭像



行世文昭像

二

公姓房諱元齡字喬年齊州臨淄人幼警敏博綜墳典善屬文書
 兼草隸太宗徇渭北杖策上謁一見如舊為府記室從征伐獨收
 人物置幕府引杜如晦協判大計太宗即位論功第一累官尚書
 左僕射居相位十五年卒贈太師諡文昭圖形凌烟閣

杜 茂 公 像



公姓杜諱如晦字克明京兆杜陵人少英邁臨事善斷有王佐才
 從太宗征伐常參帷幄累官至文學館學士進僕射與房元齡共
 筦朝政世稱賢相必曰房杜封萊國公年四十六而卒帝哭之慟
 詔虞世南勒文於碑使言君臣痛悼意他日食瓜美輟其半奠焉
 贈太尉諡曰成圖形凌烟閣

李景畫



公姓李諱靖字藥師京兆三原人姿貌奇偉嘗謂人曰大丈夫當
 以功名取富貴何至作章句儒其舅韓擒虎與論兵曰可與語孫
 吳矣貞觀中出將入相吐谷渾寇邊帝以為西海道行軍大總管
 公決策深入遂踰積石山多所斬獲其妻卒詔墳制如衛霍故事
 築闕象鐵山積石山以旌其功封衛國公卒諡景武圖形凌烟閣

像 龔 衣 虞



公姓虞諱世南字伯施餘姚人性沉靜寡欲篤志勤學少與兄世
 基同受業於顧野王名重當世人比之二陸太宗踐阼拜宏文館
 學士嘗命寫列女傳於時無本公暗疏之無一字謬帝每稱其五
 絕一德行二忠直三博學四文詞五書翰官至秘書監爵永興縣
 子卒諡文懿圖形凌烟閣

虞世南忠公像



公姓屈突諱通長安人初仕隋為右武衛將軍守河東高祖與戰
 久不下乃留兵圍之公誓以死報國及兵敗被執高祖以其忠臣
 釋之授兵部尚書封蔣國公以平王世充功進陝東道大行臺右
 僕射加光祿大夫年七十二贈尚書右僕射諡曰忠圖形凌烟閣

段壯公像



公姓段諱志元臨淄人姿質偉岸以驍果從太宗破竇建德平東
 都累官右驍衛大將軍封樊國公實封九百戶嘗奉命勒兵衛章
 武門太宗夜遣使至公拒曰軍門不夜開使者示以手詔曰夜不
 能辨不納太宗嘆曰真將軍命爲金州刺史國於褒辭不就加鎮
 國大將軍贈輔國大將軍諡曰壯肅圖形凌烟閣

段 公 實 像



公姓劉諱宏基雍州池陽人平京師有功授右驍衛大將軍破宋
金剛封任國公戰駐蹕山有功加封千一百戶貞觀十三年命為
朗州刺史國子夔辭不受贈開府儀同三司并州都督諡曰襄圖
形凌烟閣

劉宏基公像



古聖賢像卷六

九

公姓劉諱政會胙城人隋大業間為太原鷹揚府司馬以兵隸高祖麾下累功封邢國公貞觀初轉洪州都督卒太宗手詔政會昔預義舉為殊功宜異等于是贈民部尚書諡曰襄圖形凌烟閣

殷 懃 軌 像



公姓殷諱嶠字開山世居江南徙居京兆為鄆人以破衛文昇賜
爵陳郡公平薛仁杲進陝東道行臺兵部尚書討王世充有功封
鄆國公贈右僕射諡曰節永徽中加贈司空圖形凌烟閣

殷嶠公像




高聖賢像卷之六

廿

公姓張諱公謹字宏慎魏州繁水人以平隱巢亂授左衛侯大將軍封定遠郡公實封千戶佐李靖建定襄之績進封鄒國公襄州都督卒年四十九贈左驍衛大將軍諡曰襄又追封鄒國公圖形凌烟閣

高文獻像



古聖賢傳卷六

十一

公姓高諱儉字士廉齊人敏慧有度量武德中為右庶子與平隱
 巢亂封義興郡公進益州大都督長史設條教督勵風俗進吏部
 尚書封許國公貞觀十三年命為申州刺史國於申辭不就加特
 進攝太尉事同掌機務年七十一贈司徒并州都督諡曰文獻圖
 形凌烟閣

李貞觀像



公姓李諱勣字懋功本姓徐曹州離狐人武德二年授黎州總管
 封英國公賜姓李從秦王伐東郡畧地至虎牢降沈悅平竇建德
 破劉黑闥平輔公祏太宗卽位拜并州都督破降突厥頡利又從
 征高麗俱有功嘗暴疾醫曰用須灰可治帝乃自翦須以和藥其
 寵異如此高宗立進尙書左僕射卒諡貞武圖形凌烟閣

忠 貞 武 圖 形 凌 烟 閣




公姓尉遲諱恭字敬德以字行鄴陽人隋末歸唐從討竇建德王
 世充劉黑闥等戰功居多武德初秦王引為右府參軍屢立大功
 隱太子嘗以書招之贈金皿一車固辭秦王曰公之心如山岳雖
 積金至斗豈能移之尋定計誅太子封鄂國公圖形變烟閣諡忠
 武

秦胡公像



公姓秦諱瓊字叔寶歷城人從太宗平王世充竇建德劉黑闥變俱有功封翼國公以平隱巢亂進左武衛大將軍實封七百戶贈徐州都督改封胡國公圖形凌烟閣

秦瓊公像



公姓長孫諱順德洛陽人無忌叔定陝功多進左驍衛大將軍封薛國公食千二百戶貞觀中為澤州刺史折節為政以嚴明稱先時守長多通餉問公繩摘無所容號稱良吏十三年改封邳國公贈荊州都督諡曰襄圖形凌烟閣

薛國公像



古聖賢像傳卷六

公姓長孫諱無忌字輔機洛陽人博涉書史佐太宗定天下封齊國公累遷太子太師嘗以外戚位三公為嫌固辭相位不聽初太子承乾廢帝欲立晉王未決公一言遂定後與褚遂良同受顧命高宗初以諫立武昭儀削爵流黔州卒圖形凌烟閣

齊 公 無 忌



公姓柴諱紹字嗣昌晉州臨汾人尙高祖女平陽公主公主與公
助太宗定天下號娘子軍以破宋老生及平京師封臨汾郡公東
征有績進封霍國公平梁師都有功改封譙國公贈荊州都督諡
曰襄圖形凌烟閣

李元公像



古聖賢像卷之六

七

公姓李諱孝恭狄道人父安仕隋為寧州刺史進柱國趙郡公公
 少沉敏有識事高祖已定京師詔拜山南招慰大使徇巴蜀下三
 十餘州明年拜信州總管平蕭銑擒輔公祐平江南以功進左僕
 射揚州大都督貞觀十三年命為觀州刺史王河間辭不就年五
 十卒贈司空揚州都督諡元圖形凌烟閣

蕭 司 空 像



古聖賢傳卷六

六


公姓蕭諱瑀字時文後梁明帝子九歲封新安王國除後歸唐擊薛舉有功進光祿大夫封宋國公太宗以其武德之季有讜言賜以詩云疾風知勁草板蕩識忠臣王世充平加右僕射特進太子少師封六百戶年七十四贈司空荊州都督諡曰肅圖形凌烟閣

程 嗣 公 像



公姓程諱知節本名齮金濟州東阿人從太宗征伐舉旗先登者
 不一平宋老生竇建德王世充俱有功封宿國公實封七百戶貞
 觀十三年命為晉州刺史國於盧贈驃騎大將軍益州大都督圖
 形凌烟閣

香 苦 公 像



公姓唐諱儉字茂系并州晉陽人性爽邁少繩檢事親以孝聞初
 定京師封晉昌郡公劉武周平進禮部尚書封莒國公仍為益州
 都督食綿州六百戶遷民部尚書加特進年七十八贈開府儀同
 三司并州都督諡曰襄圖形凌烟閣

李總管像



公姓李諱元通藍田人歷定州總管為劉黑闥所破黑闥愛其才
欲以為將不聽囚之故吏有餉飲餽者公曰諸君見哀吾能一醉
遂縱飲謂守者曰吾能劍舞可借刀守士與之曲終仰天太息曰
大丈夫不能守尚何視息耶自以刀刺腹死

李 卷 花 祿 像




公姓李諱予道字元勗貞觀初累遷給事中姑臧縣男出為幽州
長史佐都督王君廓專持府事君廓不法公每以義裁糾之由是
有隙君廓入朝公寓書與甥房元齡君廓發其書不識草字疑為
謀已遂反坐是流儋州未幾擢常州刺史有清簡聲下詔褒美賜
繒帛久之致仕加銀青光祿大夫以祿歸第尋卒

薛 涉 陰 像



公姓薛諱收一名莊字元敬又字伯褒汾陰人初為秦王府主簿
從討王世充及平劉黑闥公為書檄露布或馬上占辭該敏如宿
構封汾陰侯武德七年卒年三十三永徽中贈太常卿陪葬昭陵

薛收像



古聖賢像傳卷六

宗

公姓劉諱孝孫字德祖荊州人祖貞周石臺太守公少知名大業
末為王世充弟杞王辯行臺郎中辯降眾引去獨公攀轅號慟送
於郊貞觀六年遷著作郎佐吳王友歷諮議參軍太子洗馬未拜
卒

蔡洗馬像



公姓蔡諱允恭字克讓江陵人美姿容工詩仕隋歷起居舍人唐初為秦王府參軍文學館學士與十八學士之列貞觀初除太子洗馬卒著後梁春秋

蘇 頲 士 像




公姓蘇諱勗字慎行武德中為軍諮典簽以本官加學士亦十八
學士中之一人也

李貞公像



公姓李諱綱字文紀觀州蓨人少慷慨尚風節唐初拜禮部尚書
兼太子詹事甚有匡益後太子寢狎無賴公頻諫不見聽遂乞骸
骨高祖曰知公直士幸卒輔吾兒進太子少保貞觀中復為少師
發言陳事毅然不可奪卒諡曰貞

隋 蕭 公 像



公姓褚諱亮字希明錢唐人高祖獵親格猛虎公懇切規諫在軍
中嘗預密謀武德時以杜如晦等十八人並以本官為學士命閻
立本圖像題名字爵里號十八學士使公為之贊累遷散騎常侍
封陽翟縣侯老於家卒年八十八贈太常卿諡曰康陪葬昭陵

顏 戴 公 像




公姓顏諱師古字籀瑯琊臨沂人復聖三十七世孫貞觀初拜中
 書侍郎封瑯琊縣男奉命於秘書省較定五經頒天下學者賴之
 俄拜祕書少監為太子承乾注班固漢書時人以為孟堅之功臣
 進子爵銀青光祿大夫宏文館學士十九年從征遼病卒諡曰戴

然 肅 公 像



古學賢傳卷六

公姓姚諱簡字思廉以字行武康人秘書丞察子察在陳嘗修梁
陳二史未就死以屬公公表父遺言有詔聽續煬帝時遷代王侍
讀唐初授秦王府文學王即位改著作郎宏文館學士詔與魏徵
共撰梁陳書帝幸九成宮公言遊幸非堯舜禹湯所為帝嘉納之
拜散騎常侍豐城縣男卒諡曰康陪葬昭陵



天保壬辰

